




Broj: 05-50-1-1894/14
Sarajevo, 10.9.2014. godine



PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 107. sjednici održanoj 10.9.2014. godine, utvrdilo je Odgovor na zastupničko pitanje koje je postavila Aleksandra Pandurević, zastupnica u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-07-1-1894/14
Sarajevo, 10.9.2014. godine

ALEKSANDRA PANDUREVIĆ, poslanik u Predstavničkom domu Parlamentarne skupštine Bosne i Hercegovine, na 68. sjednici ovog Doma održanoj 12. juna 2014. godine, uputila je Vijeću ministara BiH poslaničku inicijativu koja glasi:

„Upućujem inicijativu Savjetu ministara BiH da pripremi i Parlamentarnoj skupštini BiH dostavi na razmatranje detaljnu Informaciju o izvozu pušaka firme „Skaut“ iz tehničkog remonta Bratunac, posredstvom Republičke direkcije za promet naoružanja i vojne opreme.“

Na poslaničku inicijativu, Vijeće ministara Bosne i Hercegovine je na ~~107.~~ sjednici održanoj 10.9.2014. godine, utvrdilo sljedeći:

ODGOVOR

U skladu sa Zakonom o kontroli vanjskotrgovinskog prometa roba i usluga od strateške važnosti za sigurnost BiH, Ministarstvo vanjske trgovine i ekonomskih odnosa BiH obratilo se dana 23.10.2013 godine Ministarstvu sigurnosti BiH sa zahtjevom za izdavanje saglasnosti za izvoz oružja i vojne opreme gdje je kao izvoznik navedena Republička Direkcija za promet NVO Republike Srpske, kao posrednik firma SCOUT, a kao krajnji korisnik austrijska firma LIMEX GMBH, STRAU.

Ministarstvo sigurnosti je dana 31.10.2013. godine zaprimilo zahtjev, te je odmah uputilo zahtjeve za provjeru policijskim agencijama u BiH i to: Državnoj Agenciji za istrage i zaštitu, Ministarstvu unutrašnjih poslova Republike Srpske i Federalnom ministarstvu unutrašnjih poslova.
Dana 13.11.2013 dobili smo odgovor od Državne Agencije za istrage i zaštitu da oni ne posjeduju saznanja koja bi mogla spriječiti izdavanje saglasnosti za izvoz.

Dana 02.12.2013 informisani smo od strane Federalnog ministarstva unutrašnjih poslova da ne posjeduju informacije koje bi mogle koristiti u postupku davanja saglasnosti za izvoz naoružanja i vojne opreme u Austriju.

Dana 03.12.2013. godine od strane MUP-a Republike Srpske dobili smo određene sigurnosno interesantne informacije koje se tiču najviše medijskih natpisa vezanih za Republičku Direkciju za promet NVO BanjaLuka.

Kao što je i praksa, kod zahtjeva za izdavanje dozvola za izvoz ili uvoz oružja i vojne opreme koji su iz nekog razloga specifični, Ministarstvo vanjske trgovine i ekonomskih odnosa BiH organizira sastanak svih organa uprave nadležnih za izdavanje suglasnosti. Tako je i dana 28.01.2014. godine u Ministarstvu vanjske trgovine i ekonomskih odnosa održan sastanak na kome se pored ostalog, razgovaralo i o izvozu koji je tema ove informacije.

Nakon pomenutog sastanka Ministarstvo sigurnosti BiH je izdalo uslovnu saglasnost, gdje je u tekstu saglasnosti navedeno da postoje saznanja o problemima realizacije ugovora između Ministarstva odbrane BiH i pravnog lica SCOUT d.o.o. Zagreb, te da se u slučaju izdavanja dozvole, u tekst dozvole unese potreba izvršenja uvida u stanje i količinu robe koja se izvozi.

Dana 12.03.2014 Ministarstvo sigurnosti BiH je zaprimilo anonimnu predstavku radnika Tehičko remontnog zavoda Bratunac, u kojoj je navedeno izražavanje sumnje u određene aktivnosti Republičke Direkcije za promet NVO. Pomenutu predstavku je Ministarstvo sigurnosti BiH proslijedilo Ministarstvu vanjske trgovine i ekonomskih odnosa BiH, Obavještajno sigurnosnoj agenciji BiH, Državnoj agenciji za istrage i zaštitu i Ministarstvu unutrašnjih poslova Republike Srpske.

Ministarstvo vanjske trgovine i ekonomskih odnosa je povodom navedene predstavke organizovalo sastanak koji je održan 04.04.2014 godine, a na kojem su prisustvovali predstavnici MVTEO BIH, MS BIH, MIP BIH, MO BIH, SIPA-e, MUP-a RS i MIER RS. Ključni dio sastanka odnosio se na to da li će predmetni izvoz biti obavljen u skladu sa potpisanim ugovorima i ranije sprovedenim kontrolama. Predstavnik Ministarstva odbrane istakao je da će se navedene stvari dodatno i nedvojbeno utvrditi.

Dana 20.05.2014. Republička direkcija za promet NVO se u skladu sa Zakonom o kontroli kretanja oružja i vojne opreme obratila Ministarstvu sigurnosti BiH sa zahtjevom za izdavanje odobrenja za kretanje oružja i vojne opreme. Uz zahtjev je pored ostalog, dostavljena i dozvola MVTEO BIH broj: ML 217/14 od 24.02.2014 u kojoj je kao napomena navedeno da prije podnošenja zahtjeva za izdavanje odobrenja za kretanje oružja predstavnici MVTEO BIH, MO BIH i UIO izvrše pregled dokumentacije i robe koja je predmet izvoza.

Dana 23.05.2014 obavljena je kontrola robe koja se izvozi i koju su izvršili predstavnici MVTEO i UIO dok predstavnik MO BIH nije prisustvovao istom. Kontrolom je vršeno poređenje paking lista sa spiskom koji je priložen od strane Republičke direkcije za promet NVO, Banja Luka. Neposrednim uvidom, principom slučajnog uzorka u devet sanduka naoružanja uspoređivali su se serijski brojevi sa dokumenata sa brojevima koji se nalaze na samom naoružanju. 27 komada oružja je izdvojeno zbog neodgovarajućih identifikacionih brojeva i zadržano je u skladištu.

Nakon što je 23.05.2014. godine dostavljena službena zabilješka iz Ministarstva vanjske trgovine i ekonomskih odnosa koja se odnosi na pregled robe koja se izvozi u Austriju, Ministarstvo sigurnosti je izdalo rješenje broj: 12-01-04-7-3446-2/14 od 26.05.2014. godine kojim se odobrava kretanje oružja i vojne opreme sa slijedećom specifikacijom.

1. Jurišna puška M70 cal. 7,62x39 mm15.000 kom
2. Laka strojica M72 cal.7,62x39 mm.....2.768 kom
3. Laka strojica M80/845 cal 7,62x54R.....1216 kom
4. Tronožac za strojnicu M80/84.....500 kom

Napominjemo, da je rješenjem odobrena količina umanjena za 27 spornih komada oružja koji se navode u službenoj zabilješci MVTEO BiH. Ministarstvo sigurnosti BiH, je nakon obavljenih procedura i analizom priložene dokumentacije, izdalo rješenje kojim se odobrava kretanje dana 26.05.2014. godine, te je Republička Direkcija za promet NVO najavila kretanje odobrenog oružja sukcesivno u dva navrata, za dane 29.05.2014 godine i 05.06.2014 godine.

Aktom broj 1/7-149-9/13 od 11.06.2014. godine, Republička Direkcija za promet naoružanja i vojne opreme je obavijestila Ministarstvo sigurnosti BiH da je roba stigla na krajnje odredište, te dostavila originalnu potvrdu pravnog lica „LIMEX GMBH“ iz Austrije.